

板貞治

禪林類聚

十三



若一毫頭聖九情量不盡未免驢胎馬腹裏去只如洞
 山這我也曾從人家屋簷下過粟畝裏去鼎鼎四山
 不礙四山到這裏須是桶底子脫始得且道洞山意作
 麼生還會麼金鷄啄破琉璃殼玉兔挨開碧海門

洞山因普請次巡察生見一僧不赴普請師問你何不去
 僧云某甲不安師云你尋常健時何曾去來

洞山因看病僧僧云火風離散時如何師云來時無一物
 去亦任從伊云爭奈羸瘵何師云須知有不病者云如何

是不病者師云悟則無分寸不悟隔山坡云則程還許卜
 度也無師云雖然黑似漆成立在今時

南堂靜頌云火風離散後一物鎮三靈佛國黃金地天
 堂白玉亭前程休卜度所至要惺惺一念心清淨人間

亦只寧

洞山因不安僧問和尚病還有不病者麼師云有云不病者還看和尚不師云老僧看他有分云和尚看他時如何師云老僧看時則不見有病

天童覺頌云卸却臭皮袋拈轉赤肉團當頭鼻孔正直下觸體乾老醫不見從來癩少子相看向近難野水瘦時秋潦退白雲斷處舊山寒須勤絕莫瞞頂轉盡無功伊就位孤標不與汝同盤

大隋真禪師忽示微疾不見客時有僧隔簾問咫尺之間為甚麼不相覩師云如今相覩何不問來僧便問如何是相覩底事師云老僧不安有甚麼心情對你

投子同禪師因不安時有李司徒令人送藥至傳語師云

若斷得人間來往生彌勒內院若未斷人間來往却向弟子家中結緣師回傳語云不如具正法眼好

德山鑑禪師因疾僧問還有不病者麼師云有二云如何是不病者師云阿耶耶阿耶耶

正覺逸云作家宗匠語不浪施如人解射自發自中山僧即不然如何是不病者傷寒鼻涕流

石霜諸禪師因道吾云我疾作欲去世心中有一物久而為患誰可除之師云心物俱非除之益患吾云賢哉賢哉

雲門偃禪師上堂云夫學般若菩薩須識得衆生病即識得學般若菩薩病還有人揀得麼出夾對衆揀看衆無語師乃云若揀不得莫妨我東行西行

雲門因不安乃云打草鞋行脚去衆無對師云汝問我與

汝道僧便問和尚甚麼處去師云四維上下對機設教去
及代前語云和尚宜與畫附湯

雲門問僧你作甚麼云涅槃頭師云還有不病者麼云不
會師云恁麼不會不恁麼不會僧無語師云汝問我僧便
問作麼生是不病者師指傍僧

玄沙偈禪師因棋服藥遍身紅爛僧問如何是堅固法身
師云膿滴滴地水疑

白雲端云亦有人問法華如何是清淨法身只答他道
屎臭熏天又云蓮花葉上化生兒且道與古人是同是
別法華亦有一頌云屎臭熏天亦偶然法華爭敢為君

宣鼻中若有通天竅一任橫行不著穿 天衣懷云病
酒這身是爛膿釣魚船上顯家風時人只看絲綸上不

見盧花對夢紅 無為子云膿滴滴地金色光法身全
體雲堂三釣螺江上曾分化一葉漁舟泛渺茫

玄沙示衆云諸方老宿盡道接物利生忽遇三種病人來
如何接患盲者拈槌毆拂他又不見患聾者言言三昧他
又不聞患瘧者教伊說又說不得且作麼生接若接此人
不得佛法無靈驗時有僧出云三種病人和尚還許商量
不許云許汝作麼生商量其僧珍重出師云不是不是當
時地藏出云某甲有眼耳和尚作麼生接師云慚愧便歸
方丈

後有僧持此語請益雲門門云汝禮拜者僧禮拜起門
以拄杖徑之僧乃退後門云汝不是患盲復喚信近前
來僧纔近前門云汝不是患聾那復一遠會麼云不會

極下

明云汝不是患痘其僧於此有省 法眼云我當時見
羅漢和尚舉此僧語我便會三種病人 雲居錫云只
如此僧會不會若道會玄沙又道不是若道不會法眼
爲甚麼道我因此僧語便會三種病人上座無事上來
商量大家也要知 雪竇顯舉云便喝云這言龍三有痘
漢若不是雲明驢年去如今有底或站槌豎拂他又
不曾教伊近前他又不來問還會麼他又不應諾方還奈
何得麼雪竇若不然何汝這一隊驢漢又堪作甚麼以
拄杖一時趁散 天童覺云雲明平展這僧實醜且道
悟在甚麼處不救之疾難爲針艾
白雲端頰云退後進前兼對辯相逢邂逅難回一面春風
驀地撼庭前還見落花千萬片 佛鑑勲云雲明老子

手親眼親因風吹火不費精神盲者便視聾者便聞雖
然無語掛在口脣三種病人一種法門 鼓山珪云盲
龍瘡瘰癧接不得玄沙枉費閑心力肩鵲盧醫拱手歸三
人俱是膏肓疾 徑山杲云玄沙三種病人話透出雲
門六不收莫待是非來入耳從前知己返爲讎
鼓山晏國師示衆云鼓山門下不得咳嗽時有僧便咳嗽
一聲師云作甚麼云傷寒師云傷寒則得
琅瑯覺云雷聲甚大雨點全無 地藏恩云鼓山雖縱
象三之威猛不露獅子之八牙直至于今翻成話霸
南華曷云古山雖有不犯之令下梢又却隨行逐隊當
時纔見道傷寒好向道拄杖不在者帶柄與三十箇不
始終作家

保福展禪師示有微疾僧入丈室問訊師謂之曰吾與汝相識年深有何方術相救云方術甚有聞說和尚不解忘

口法燈別云和尚解忘口夢 雲實顯別云只恐難為和

尚

地藏琛禪師因疾僧問和尚尊候較不師以杖在地云汝道這箇還痛不云和尚問阿誰師云問汝僧云還痛不師云元來共我作道理

衛國道禪師因疾人來問疾師不出其人云父吟和尚道德忽承法體違和請和尚相見師將鉢鎖盛鉢措令侍者擎出呈之其人無對

崇福慧日大師不披袈裟不受具戒唯以雜緣為掛子一

口攜小青竹杖入西院法堂安禪師遙見而笑云入涅槃堂去師應諾輪竹杖而入時有五百許僧染時疾師以杖次第點之各隨點而起

萬銅廣德禪師因不安僧問和尚患箇甚麼太羸瘦生師云無思不墜的云恁麼即知和尚病源也師云你這老僧患甚麼僧云和尚忌口好師便打

重雲暉禪師常施藥有一比丘患白癩衆惡之唯師延迎供養與摩洗垢穢斯須有神光異香既而辭去遂失所在所遺瘡痂馨香酷烈遂聚而塑觀音像以藏之

明招謙禪師因有師叔在廨院患甚附書來問云某甲有此大病如今正受疼痛一切處安置伊不得還有人救得麼師乃回信云頂門上中此金剛箭透過那邊去也

明招到鼓山解院契飯山見便問這浙子總不來鼓山師
云示甲自從入嶺便患風不得禮覲大師山行數步廻顧
師云還有風也無師畧展兩足山云元來是會禮師云和
尚幸是大人不得造次山云你不肯鼓山待上來與你三
十棒師云與棒自有人

明招在疾一日國泰深和尚來問候侍者通報云深師叔
來師乃令請深纔入方丈師便云阿唧阿唧深師叔放取
老僧深云和尚有甚麼救處師舉頭一觀云喚眼子烏喙
喙地衣前是舊時深上座乃廻身面壁更不相見師病愈
往國泰深乃領衆出接至阿首師乃指金剛云這兩箇漢
在這裏作甚麼深便擡拳作金剛勢師云殿裏黃面老子
笑你

法眼益禪師因患脚僧問訃次師云非人來時不能動及
至人來動不得且道佛法中下得甚麼語僧云和尚且喜
得較師不肯乃自別云和尚今日似減

天竺澄禪師因羅山在疾師問百年後忽有人問和尚以
何指示山乃放身便倒師從此契悟

大陽延禪師問侍者有一人徧身紅爛在荆棘林中周匝
火圍如何近附救得此人者云六根不具七識不全師云
教伊出來我要與伊相見者云只今別無左右祇對師云
官不容針

興陽剖禪師臥疾次大陽延問是身如泡幻泡幻中成辨
若無箇泡幻大事無由辦若要大事辦識取箇泡幻作麼
生師云猶是這邊事延云那邊事作麼生師云匝地紅輪

秀海底不栽花延笑云乃爾惶惶耶師喝云將謂我忘却
清涼復禪師三度入嶺偶值地藏不安師一日侍立巖前
乃啓地藏云某甲與和尚因緣背此來又值和尚不安藏
起身拄拄杖卓向面前云這箇也不背師於此有省
葉縣省禪師一日看病僧僧問四大本空病從何來師云
從上座問處來其僧喘氣云不問後如何師云撒三師長
空僧云唧唧即便告終

葉縣因病有僧問色身病法身病師云江山無阻滯日月
鎮長明又因不安僧問四大本空病從何來師云口談藥
方終不瘥云不會此意如何師云唯有醍醐心地涼
藥山銑禪師僧問文殊惡疾維摩默然意旨如何師云鼻
孔遠天

昔有庵主不安凡見僧來便云相救相救洞山聞之往視
主亦云相救相救山云是甚麼相救主云上座是雲巖之
子藥山之孫麼山云不敢主云大家相送便脫去

慈明圓禪師因往京師送李都尉薨仁宗帝賜官舟南歸
中途謂侍者云我忽得風痺疾視之口吻已喎斜侍者以
足頓地云當奈何平生呵佛罵祖今乃爾師云無憂爲汝
正之以手整之如故云而今而後不鈍置汝

楊億侍郎因微恙問環大師云某甲今日忽違和大師慈
悲如何醫療環云丁香湯一椀楊便作吐勢環云恩愛成
煩惱環爲煎藥次楊叫云有賊環下藥於公前又手側立
楊瞠目眦之云少叢林漢環拂袖而出
泐潭祥禪師因不安次有僧問和尚近日尊候如何師云

土地前燒二陌紙著

黃龍新禪師因首座傷風不安令侍者問云風由內發從外入來若從外入則內無所傷若從內發則外無所損畢竟從何來座云僧投寺裏宿賊打不良家師不肯自代云只見鼻頭裏水滴地又云頭痛眼眩

湛堂準禪師病進藥者令忌毒物師不從之有問其故師云病有自性乎云病無自性師云既無自性則毒寧有心哉以空納空吾未嘗顛倒汝輩一何昏迷

道吾直禪師一日不安僧問評次乃云和尚近日尊位如何師云粥飯頭不了事僧無語師鳴指一下

圓悟勤禪師謁五祖入室平生知解全用不著乃謂五祖移換人出不遜語忿然而去祖云待你著一頓熱病打時

方思量我在師到金山染傷寒幾不起遂以平日見處試之無得力者追繹五祖之言乃自誓云我病稍間即歸五祖尋病愈歸五祖祖一見而喜云汝來耶即日參堂令入侍者寮

白楊順禪師病中示衆云久病未嘗推木枕人來多是問如何山僧據問隨緣應牕外黃鸝口更多衆中作者試與山僧指出病源七尺之軀甚麼處受病於是衆皆下語不契師意師乃自代拊掌一下開口作嘔吐聲又云好箇木

枕子

徑山杲禪師因僧請益云某甲參禪不得病在甚麼處師云病在這裏僧云某甲爲甚麼參不得師云開眼尿牀漢我打你去

乾峰法身三種病親法
雲明光不透有兩般病親法
三祖身纏風恙之二祖懺罪親法
大慈只是識病親法

醫卜

天柱慧禪師因僧問達磨未來此土時還有佛法也無師云未來且置即今事作麼生僧云某甲不會乞師指示師云萬古長空一朝風月良久云會麼自己分上作麼生干他達磨來與未來作麼他家來大似賣卜漢見汝不會為汝錐破卦文纔生吉凶盡在汝分上一切自看僧問如何是解卜底人師云汝纔出門時便不中也藥山儼禪師問僧見說汝解筭虛壽僧云不敢師云汝試筭老僧看僧無對

雲巖後來舉問洞山汝作麼生洞山云請和尚生日道吾智禪師問僧聞汝解卜是不云是師云試卜老僧看僧無語或作雲巖

趙州詵禪師僧問遠遠投師請師一接師云孫臏門下為其鑽龜僧拂袖出去師云將謂常榮折他雙足

浮石禪師云山德開箇卜鋪子能斷人負富生死借便問離却貧富生死不落五行請師直指師云金木水火土

佛鑑勸云吉凶悔吝生乎動動靜興亡本乎心若以衲僧無文印子一印印定毫髮無差浮石雖然解卜不會

斷卦若是智海即不然離却貧富生死不落五行請師直指向伊道今日聞黎有灾待伊眼睛定動之間吉凶

自兆 大滌智云浮石為人放不下有許多五行斷人吉凶若是衲僧門下天不能蓋地不能載東西南北都

無星礙大丈夫兒從來自在大圓無礙說話還有傍不肯底麼良久云一任鑽龜打瓦久久為害為灾 塗毒

策云若向上觀貧富禍福吉凶皆為其用這僧離却煩惱別求安樂累他浮石不况為蛇盡足今時人纔見道

金木水火土便道大好不落五行不識鉤頭意錯認定盤屋有者又道聞黎今日有灾未免識情小度畢竟如

何莫恠來源萬丈高一條界破青山色 西禪需頌云金木水火土始終須倒數五六下四三祇

文傳白虎苦苦卜得此卦一生貧遠信不來病人死 大隋真禪師忽一日上堂眾集定師口作患風勢告眾云

還有人嘗得老僧口麼眾僧競送藥俗士聞之亦多送藥師並不受經七日後師自擱口令止復云如許多時鼓這

兩片皮至今無人嘗得老僧口於是齋前陞座儼然端坐

告終

投子問禪師有婆子上山云婆家中失却牛請師一卜師
召婆婆應諾師云牛在

仰山寂禪師問僧汝會甚麼僧云會卜師提起拂子云這
箇六十四卦中阿那卦收僧無對師自代云適來是雷天
大壯如今變為地火明夷

佛叢隱禪師僧問頃年有疾又中毒藥請師醫証云二宜
湯一洗

洞山慶禪師僧問昔年有疾苦又中毒請師醫証云金鏡
括破腦頂上灌醍醐云恁麼則謝師醫去也師便打

曹山本寂禪師僧問學人通身是病請師醫証云不醫云
為甚麼不醫師云教你求生不得求死不得

洛浦安禪師示衆云孫臏收鋪去也有卜者出來時有僧

出云請和尚一卜師云汝家爺死僧無語

法眼代撫掌三下

雲門偃禪師僧問佛病祖病將何醫師云審即許僧云將
何醫師云幸有力

雲門云譬如三家村裏賣卜東卜西卜忽然卜著也不定
僧便問忽然卜著時如何師云伏惟尚享

風穴沼禪師示衆云若是上上之流各有證據者略赴箇
程限未證據者各自英雄當處發生隨處滅盡如爆龜紋

爆即成兆不爆成鈍欲爆不爆直下便捏

育王通禪師僧問學人有病請師醫証云將病來為汝醫
僧云便請師醫師云還老僧藥價錢來

汾陽昭禪師僧問靈龜未兆時如何師云海裏搖舩笑舉

棹望程途

龍光禪師僧問佛病祖病如何醫師云世醫曾拱手

承天確禪師僧問又扣靈龜為甚麼不知音信師云峻疾

三峽水高低五面山

廣德義禪師僧問時人有病醫王醫醫王有病甚人醫師

乃展手云與我診候僧云不會師云須彌徒作藥四海謾

為湯

石門遠禪師不安灸次僧問正當恁麼時如何師云通玄

一脈大似流星

南院世醫拱手法門

楊億侍郎疾問環大師醫見門

五祖問有屬牛人問命麼見錫門

藥餌

文殊一日令善財採藥云是藥者採將來善財徧觀大地無不是藥却來白文殊云無有不是藥者文殊云是藥採將來善財遂拈一枝草度與文殊文殊提起示眾云此藥亦能殺人亦能活人

五祖戒出善財語云慚愧 首山念云文殊大似掩耳

偷鈴 琅琊覺云文殊可謂誠實之言要且額頭汗出

口裏膠生 大鴻詰云善財能採文殊能用非但寢疾

毘耶直饒蓋大地人抱必死之疾到文殊所教他箇箇

脫體而去何故解用不須霜刃劍延齡何必九還丹

應菴華云大小文殊被善財換却眼睛 東山空云善

財拈來只是尋常草木文殊提起末為出格神醫後來

望風乃高其價東山謂伊兩人未免俱在草裏

保寧勇頌云大地蒼生病似麻吉祥靈藥示無涯其間

殺活難分辨又是重添眼裏花 楚安方云善財拈起

一枝草持來度與文殊老殺活雖然在手中遍界不藏

光杲杲 雲溪茶云歷劫何曾異明明百草頭甘和苦

滋味死活病須瘳好笑文殊老濟兒不覺羞 佛印元

云是藥拈來更不疑師資相見在臨時從茲病甚無醫

處殺活還應作者知 正覺逸云信手拈來草最靈一

枝能殺亦能生曼殊室利開金口直至而今藥道行

照覺總云藥病相治貶更褒當機生殺按吹毛毘盧海

闊煙波靜誰把長竿釣巨鼈

高沙彌往甘贄行者家者問甚處來彌云藥山來者云還

將得藥來麼彌云你有甚麼病者無對

投子同禪師一日因雪峰問此間還有人夢也無師將鋤

頭拋向面前峰云與麼則當處掘去也師云不快漆桶

保寧勇別云和尚家風今日親見

雲門偃禪師示眾云藥病相治盡大地是藥那箇是自己

五祖戒頌云藥忌由來鑿作家示徒親切病如麻十方

三世諸知識赫日光中雷電車 雪竇顯云盡大地是

藥古今何太錯閉門不造車通途自家廓錯錯鼻孔潦

天亦穿却 白雲端云左眼不見山河右眼不見日月

直得百花開時一一為君分別

雲門僧問如何是超佛越祖之談師云蒲州麻黃益州附

玄沙偈禪師因長慶來師云除却藥忌作麼生道慶云放
憨作麼師云雪峰山象子捨食却來這裏雀兒放糞
鏡清意禪師僧問體本無瑕翳為甚麼坐施良藥師云却
正道著

翠巖代云且放老僧過 首山念代云知過人難得又
云更教誰喫棒又云今日草賊大敗

葉縣省禪師僧問學人心病請師一服妙藥師云破皮厚
三寸云未審意旨如何師云杖頭挑取

大陽延禪師問石門聰道離甚處聰云襄州師云作麼生
是云隔底句聰云和尚住持不易師云且坐喫茶聰便參
堂去侍者遂問暫到祇對住持不易和尚為甚麼教且坐
喫茶師云我歡他新羅附子他酬我舶上茴香你去問他

有語在侍者問聰適來祇對和尚住持不易意旨如何聰
云真輸不博金

翠巖參禪師僧問還卅一粒點鐵成金至理一言轉九成
聖學人上來請師一點師云不點云為甚麼不點師云恐
汝落在九聖云乞師至理師喚侍者點茶來

佛鑑勸云翠巖慈悲心大為人膽小智海不是膽大且
要古人話行向你諸人頂上一點且看如何遂拈拄杖
卓一下云九者自九聖者自聖莫認精鬼便當性命三
十年後悟也不定卓拄杖下座

報慈雲禪師示眾云瘥病之藥不假驢馱若據如今各自
歸堂好

德山圓明禪師云瘥病不假驢馱藥三角云瘥病須假驢

馱藥

琅耶覺云圓明可謂小慈妨大慈三角負他一斗米失却半年糧

雲居岳禪師僧問如何是一丸療萬病底藥師云汝患甚麼

梁山簡禪師問新到僧甚麼處來云藥山來師云還將得藥來麼僧云和尚住山不錯

香林遠禪師僧問如何是和尚妙藥師云不離衆味云喫者如何師云呷啗看

齊登禪師僧問還丹一粒點鐵成金至理一言轉九成聖學人上來請師點師云點僧云點後如何師云皓然無隱的三際不彰名云為甚麼不彰名師云恐煩紙墨

智門祚禪師云神方祕術子父不傳山僧有箇藥方里丘好合醬

雪竇顯禪師問僧你作箇甚麼來僧云合靈寶丹來師云靈聖即不問作麼生是寶僧云不敢祇對和尚師不肯自代云洎與和尚答話

雪竇僧問還丹一粒點鐵成金至理一言轉九成聖學人上來請師一點師云風清月白僧云更有尖新也無師云僻地生雷

承天確禪師僧問建八諦之醫王受掌中之妙藥如何是受掌中之妙藥師答云西瞿耶尼擊法鼓東弗于逮坐道場

重雲施藥見問疾門

甘贊問化主將得藥來麼規門

投子病李司徒送藥規門

大隋病眾僧送藥皆不受規門

踈山京師出大黃規門

此處文字模糊，似有「小大」等字樣，但難以辨認。

遷化

世尊於涅槃會上以手摩曾告眾云汝等善觀吾紫磨金色之身瞻仰取足勿令後悔若謂吾滅度非吾弟子若謂吾不滅度亦非吾弟子時百萬億眾悉皆契悟

雲峰悅云然則膏肓之門不足以發藥雲峰今日且作死馬醫爾等諸人皮下有血麼

佛鑑勸頌云言吾入滅非吾子言吾不滅亦非親但見落花隨水去不知流出洞中春釋迦老子若為隣臨行賣弄紫金身雙林盡道泥洹也夜夜羣星拱北辰

世尊般涅槃日迦葉尊者最後而至世尊乃於樹中露雙跣示之迦葉尊者不作禮請如來以三昧火而自闍維即時金棺從七寶牀昇舉遶俱口羅城七市却還本處化火

光三昧而自焚之

地藏恩頌云慚愧老胡柳示雙趺金色尊者還會也無
目前措得未辨精麤遠七巾兮成何事箇箇更兒是丈
夫 涕鑑勲云未出王宮已涅槃何須雙足露金棺致
令迦葉雙眉皺應喜前倒刹竿

三祖璨大師臨示寂時乃為四眾廣宣心要訖於法會大
樹下合掌立終

四祖信大師臨入滅示眾云一切諸法悉皆解脫汝等各
自護念流化未來言訖安坐而化

馬祖一禪師因登石門山於林中經行見洞壑平坦處謂
侍者云吾這杓曾當於來月歸茲地矣言訖而回至二月
四日果有微疾沐浴訖跏趺入滅

大梅常禪師臨終示徒云來莫可抑徃莫可追從容聞鼯
鼠鳥鳴乃云即此物非他物汝善護持吾當逝矣

雪竇顯云這漢生前恭囑死後顛預即此物非他物是
何物還有分付處也無有般漢不解截斷大梅脚跟只
管道貪程太速 真淨文云既非他物是甚麼物 地

藏恩云是甚麼語話

天皇悟禪師臨示寂時大衆問疾師壽召典座近前云會
麼座云不會師乃拈枕頭拋於地上即便告終

藥山儼禪師臨示滅時呼云法堂倒法堂倒眾皆持物撐
拄師舉手云子不會我意即告寂

百文海禪師因僧從法堂上哭入師云作甚麼云父母俱
喪請師揀日師云來日與你一時埋却

佛鑑勸云百丈只解埋却要且不解顯露且道如何是
顯露底句拈拄杖一時趁散

荷澤會禪師一日知信至報二親亡師入堂白槌云父母
俱喪請大眾念摩訶般若波羅蜜多大眾纔集便打槌云
勞煩大眾

古德云正當擬議之際命如懸絲更向槌下許思停機
平地死人無數如今還有人救得活也無待他槌聲纔
落但朗笑一聲云快活快活直饒荷澤便有機境來以
坐具便撼也是一負死漢

千歲寶掌禪師於正旦日手塑一像至九日像成問其徒
慧雲云此肖誰云與和尚無異師即澡浴易衣趺坐謂雲
云吾住世已一千七十二年今將順世聽吾偈云本來無

生死今亦示生死我得去任心他生復來此又云五滅後
六十年有僧來取吾骨勿拒言訖而逝滅後五十四年有
刺浮長老至塔所禮云巽塔洞開少選塔方果啟其骨連
環若黃金浮即持往秦望山建塔

南泉願禪師臨示寂告明人云星翳燈幻亦久矣勿謂吾
有去來也言訖而謝

南泉遷化陸巨大夫到院主云大夫何不哭陸云道得即
哭主無對

長慶稜代云合哭不合哭 雪竇顯別云蒼天蒼天

歸宗柔代云哭哭

五洩默禪師臨示寂沐浴焚香端坐告衆云法身圓寂示
有去來千聖同源萬靈歸一吾今溥散胡假嬰哀無自勞

神須存正念若遵此命莫報吾恩倘固違言非吾之子時
有僧問和尚向甚麼處去師云無處去云某甲何不見師
云非眼所覩言畢而化

登隱峰禪師於五臺金剛窟前將示滅先問衆云諸方遷
化坐去卧去吾嘗見之還有立化也無衆云有也師云還
有倒立者不衆云未嘗見有師乃倒立而化亭亭然其衣
順體時衆議昇就茶毘屹然不動遠近瞻覩驚歎師有妹
爲尼乃俯近而咄云老兄曠昔不循法律死更焚惑於人
於是以身推之憤然而踣遂就闍維

龐蘊居士將入滅令女靈照出視日且明及午以報女還
報云日已中矣而有餘也居士出戶觀次靈照即登父座
合掌坐亡笑云我女鋒捷矣於是更延七日州牧子公

問疾士謂云但願空諸所有慎勿實諸所無好住世間皆
如影響言訖枕公膝而化

天柱慧禪師僧問亡僧遷化向甚麼處去也師云瀟湘嶽峰
高長積翠與江明月色光輝

長沙岑禪師因秀上座問南泉遷化向甚麼處去師云石
頭作沙彌時參見六祖秀云不問石頭參見六祖南泉遷
化向甚麼處去師云教伊尋思去云和尚雖有千尺寒松
且無抽條石筍師默然秀云謝和尚答話師亦默然秀舉
似三聖聖云若實與麼猶勝臨濟七步雖然如此待我明
日更驗過聖乃問承和尚昨日答南泉遷化一則語可謂
光前絕後今古罕聞師亦默然又問如何是第二月師云
不真有聖禮拜師乃有頌也六可也六可一月直中兩月

疑見與見緣無自性寂常誰是復誰非

佛鑑懃云也六字也七高長沙畫虎却成狸南泉一去
無消息空使行人說是非 塗毒策云分餅盤釵劍於
一金良工之巧會百川細流於巨海帝禹之功從渠編
逼將來我則隨機點破若也見得便知月雖有影而不
下波瀾雲本無心而休分彼此還會麼真性裏懷多意
氣他家曾踏石頭關

長沙因僧亡以手摩之曰大衆此僧却真實爲諸人提綱
商量會麼乃有偈云目前無一法當處亦無人蕩蕩金剛
體非妄亦非真

長沙僧問南泉遷化向甚麼處去師云東家作驢西家作
馬云此意如何師云要騎便騎要下便下

琅琊覺頌云要騎即騎要下即下磬聲斷後不許易價
趙州論禪師因送亡僧師云只是一箇死人得無量人送
又云許多死漢送一箇生漢時有僧問是心生是身生師
云身心俱不生云這箇作麼生師云死漢

白馬照禪師常云快活快活及臨終時叫苦苦又云閻羅
老子來取我也院主問和尚當時被節度使拋向水中神
色不動如今何得恁地師舉起梳子云汝道當時是如今
是主無對天賦

法眼益代云當時但掩耳出去 雪竇清云法眼意作
麼生為當是肯他不肯他若不肯他過在甚麼處若肯
他為甚麼掩耳出去且道即今是苦是樂試定當看
慈雲圓照頌云甜甜徹帶甜苦苦連根苦拈起枕頭時

新羅夜打鼓

道吾智禪師一日與侍者漸源至人家吊慰源撫棺問云
 生耶死耶師云生也不道死也不道云為甚麼不道師云
 不道不道同歸至中路源云和尚快與某甲道若不道打
 和尚去師云打則任打道則不道源遂打回院師恐知事
 聞得不便發令去源乃去一村院寄住因聞誦法華經云
 應以比丘身得度者即現比丘身忽悟前話時師已遷化
 了源至石霜舉前話霜亦云生也不道死也不道源云為
 甚麼不道霜云不道不道源於言下大悟

大為委云大九言論須有轉身之謀道吾既無便喫他
 痛棒且道漸源具甚麼眼 佛印元云石霜矢上加尖
 喚惺子箇漸源也無用處當初待伊舉了以棒打出非

唯作天下宗師亦乃與道五言雪屈固知當斷不斷這招
 其亂

漸源又一日將鐵子於法堂上從東過西從西過東石霜
 云作甚麼源云覓先師靈骨霜云洪波浩渺白浪滔天覓
 甚麼先師靈骨 雪竇著語 蒼天蒼天源云正好著力霜云這裏釘釘
 不入著甚麼力源持鐵肩上便出

太原孚云先師靈骨猶在 明招謙云莫道作甚麼別
 下得甚麼語代云鷓鴣語鶴又代漸源便擲下鐵子云
 噫淺水無魚

雪竇顯頌云兔馬有角牛羊無角絕毫絕釐如山如嶽
 黃金靈骨今猶在白浪滔天向處著無處著隻履西歸
 曾失却 保寧勇云終日挨門復倚樓幾面明鏡照梳

頭一從事却潘郎後也解人前不識羞 長靈卓云木
人把板雲中唱石女穿靴水上行生死死生休更問從
來日午打三更 圓悟勤云生也全機現死也全機現
不道復不道箇中無背面直下便承當不隔一條線通
塞太虛空赤心常片片 慈庵信云當時苦口曾不道
悟來靈骨方尋討練江寒月兩蕭蕭淨雲散盡天如掃
洞山价禪師僧問亡僧遷化向甚麼處去師云火後一莖
節

白雲端云龍門即不然亡僧遷化向甚麼處去答云墻
壁有耳

投子青頌云野火燒時越轉新至今煙燄兩難霖旱地
紅蓮遶日月無根樹長綠成陰 佛智裕云善應隨流

妙慧深明明一箭中紅心當鋒不是由基眼對面鐵山
高萬尋 枯木成云春風吹動綠波搖無限船師逐海
潮只見江鷗飛白浪豈知明月在雲霄

洞山將順世遣沙彌去傳語雲居他若問汝和尚有何言
句但道雲居路欲絕也汝須遠立恐他打你沙彌依教語
未終被雲居打一棒沙彌無語

同安顯代云恁麼即雲居一伎不墮也 雲居錫云上
座且道雲叢路絕不絕 崇壽稠云古人打此一棒意
作麼生

洞山將示滅謂眾云吾閑名在世誰為吾除得眾皆無對
時沙彌出云請和尚法號師云吾閑名已謝

石霜云無人得他肯 雲居云若有閑名非吾先師

曹山云從古至今無人辨得 疎山云龍有出水之機 無人辨得

洞山臨終時乃剃沐端然坐逝大衆號慟移時師忽開眼云夫出家之人心不附物是真修行勞生息死於悲何有乃令主事辦愚癡齋一中蓋責其戀情也衆猶戀慕不已延至七日食具方備師亦隨齋畢云僧家勿事大率臨行之際喧動如斯至八日端坐長往

性空禪師因僧來參師乃展手示之僧近前復退後師云父母俱喪更不慘頰僧呵呵大笑師云少間與闍黎舉哀其僧乃打筋斗而出師云蒼天蒼天

佛鑑歎云展開兩手只見錐頭利進前退後不見利頭錐呵呵大笑裏有刀連哭蒼天弓拈箭盡且道畢竟

如何良久云若不共同橋上過空信橋流水不流

大為智云展手為人進前退後父母俱喪呵呵大笑意

天蒼天打箇筋斗紅心裏中紅心好手手中誇好手

三平忠禪師遷化衆請韓文公作喪主公將手中一條蓋

一面沙羅上橫一口劍直到龕前放下云還有人道得麼

若道得某甲即作喪主若道不得某甲即不作喪主其時

一衆無對公趨翻沙羅哭云蒼天蒼天先師遠矣

羅山陳到三平讀碑見載其事乃云噫大奇大奇三平

門下六白來人總被這俗淫吞却也陳老師當時若在

未放他還在時有僧問只如侍郎與麻上來未審作麼

生祇對乃云我當時若在只將七尺布巾蓋却頭橫亞

一柄露刃刀以手懸送孝慕當問云坐看轉家箇漢要

作喪主也未得要不作喪主也未得進之須有理退之
須有理

晉化和尚將示滅乃入市謂人云乞食宜檢人或與披檢
或與布裘皆不受振鐸而去時臨濟令人送與一棺師笑
云臨濟處兒鏡舌便受之乃告辭云普化明日去東門死
也郡人相率送出城師厲聲云今日墓不合青鳥乃云第
二日南門遷化人亦隨之又云明日出西門方告人出漸
稀出已還返第四日自擎棺出北門振鐸入棺而逝郡人
奔走出城揭棺視之已不見唯聞鐸聲漸遠莫測其由
臨濟玄禪師臨遷化在示云吾去後汝等諸人不得滅却
吾正法眼藏三聖出云誰敢滅却和尚正法眼藏師云後
或有人問你又作麼生道聖便唱師云誰知吾正法眼藏

向這瞎驢邊滅却師乃示頌云汭流不止問如何真照無
偏說自他離相離名人不稟吹毛用了急還磨石言訖於法
座上端然示寂

大為秀云古者忍死待來因何正法眼藏却向瞎驢邊
滅臨濟行計速速三聖又却忽忽因斯父子情忘遂使
後人失望若不得流水多應過別山 護國元云諸禪
客若能向斬釘截鐵處明得臨濟一宗掃土而盡其或
未然山僧為汝諸人露箇消息以拄杖卓一卓復舉起
云還見麼鯨吞海水盡露出珊瑚枝

黃龍南頌云圓寂將歸叙別時叮嚀法眼好任持唱下
不開泥水路瞎驢從此少人騎 白雲端云擘破泰山
雷未猛照開滄海月非光瞎驢滅却正法眼直得哀聲

振大唐 保寧勇云出門握手再叮嚀往往事從叮囑
生路遠夜長休把火大家吹殺暗中行

石霜諸禪師遷化衆請首座住持時九峰慶禪師為侍者
白衆問首座云先師道休去歇去冷湫湫地去一條白練
去古廟香鑪去一念萬年去明甚麼邊事會得即住持會
不得不可首座對云明一色邊事慶云與麼則不會先師
意在座云但裝香來香煙斷處若去得即會先師意若去
不得即不會慶遂焚香香煙未斷首座遂脫去慶以手拊
首座背云坐脫立亡即不無先師意未夢見在

雲居舜云你等諸人且作麼生會諸人會處便道首座
與麼說是說道理所以慶侍者不肯伊大愚道慶侍者
盡平生見解只具一隻眼 南華曷云透生死關高超

世表秉殺活劍獨據寰中若非智眼洞明未免扶籬撐
壁要會麼春蘭與秋菊各自一時榮 西禪雲云慶侍
者雖然為衆竭力未免禍出私門若人檢點得出與你
一點茶

丹霞淳頌云帶角披毛異類身寒灰枯木眼中塵雖然
未盡先師意爭奈臨行一著親 開福寧云一片虛凝
亘古今麟龍頭角競踈親坐立立脫知多少鐵樹花開
別是春 無盡居士云香煙淡淡風飄颻首座凝凝脫
去時不是父參慶侍者石霜已鼻有誰知

石霜偈頌先師一片靈骨盡金色擊作鐘聲未審其聲處
去也師召僧僧應諾師云你不會我語云

德山鑿禪師臨示寂時示衆云拋空遣響發汝精神盡

覺非復有何事言訖端然而寂

投子向禪師借問不識煩惱而入涅槃時如何師作色云

這箇師僧好發業殺人

西堂燕云家家觀世音 國清機云或有問山僧不識

煩惱而入涅槃時如何師面便掌何故見之不取思之

千里 白雲端云大眾投子可謂善解量才西堂可謂

善解補朕如今忽有人問圓通不識煩惱而入涅槃時

如何即向便道青山澗水孤棹孤舟

夾山會禪師臨示寂在王事云吾與眾僧說道累歲佛法

深旨各應自知吾今幻質時盡即去汝等三保護如吾在

日勿得雷同世人輒生惆悵言訖至夜奄然而逝

仰山寂禪師臨終隆堂說偈云吾年七十二無常在今日

日輪正當午兩手抱屈膝言訖趺坐而化

雲居膺禪師臨入滅時問侍者云今日是幾者云初三師

云三十年後但道只這是乃端然告寂

龍泉喜禪師臨遷化於夜子時告眾云三界心盡即是涅

槃言訖跏趺而終

洛浦安禪師臨寂告眾云吾非明即後也今有事問汝

等若道這箇是即頭上安頭若道這箇不是即斬頭覓活

第一座云青山不舉足日下不挑燈師云如今是甚麼時

節作這箇語話有麼從上座出云離此一途請和尚不問

師云未有更道云彥從道不盡師云我不管汝盡不盡云

彥從無待者慈對和尚師至深夜令侍者喚彥從來方丈

問云你今日祇對老僧甚有道理據汝全體得先師意先

師道目前無法意在目前不是目前法非耳目之所到且道那句是主若擇得出分付鉢袋子云云從不會師云汝合會但道看云及後實不會師唱出乃云苦苦次日午前有僧舉前語問師師云慈舟不棹清波一劍峽徒勞衣木

鴉即便告飯

玄覺云且道從上座實不會是怕見鉢袋子拈著伊

天童覺頌云願雲鉤月釣清津年老心孤未待鱗一曲

離騷歸土後汨羅江上獨醒人

浴浦因夾山將示寂垂語云石頭一枝看看即滅矣師云不然山云何也師云自有青山在山云苟或如長即云道不滅矣

曹山本寂禪師偈問承教有言六德不啻死屍如何是海

師云包含萬有者是云為甚麼不啻死屍師云絕氣息者不著云既是包含萬有為甚麼絕氣息者不著師云萬有非其功絕氣息者有其德云未審向上還有事也無師云有云如何是向上事師云道有道無即得爭柰龍王按劍何

圓悟勤云達觀之士大用現前辯似懸河心如明鏡纖毫悉照至鑒無遺至於正去偏來一切善能回互雖則入理深談宛有衲僧巴鼻只如今時參問兄弟若窮到絕氣息處已是難得尚有萬有非其功在直饒得到萬有非其功處尚有包含萬有在縱更得到包含萬有處爭柰龍王按劍何敢問諸人作麼生是龍王按劍只許老胡知不許老胡會

曹山臨示寂時問知事僧今是何日月云六月十五日師云曹山一生行脚到處只管九十日為一夏至明日辰時告寂

覆船存禪師將示寂三日前令侍者喚第一座來師卧出氣一聲第一座喚侍者云和尚渴要湯水契師乃面壁而卧臨終令集眾乃展手出舌示之時第三座云諸人和尚舌根硬也師云苦哉苦哉誠如第三座所言舌根硬去也再言之而告寂

南嶽玄泰上座將示滅並無僧至乃自出門召一僧入付囑令備薪蒸爇留偈云今年六十五四大將離主其道自玄玄箇中無佛祖不用剃頭不須澡浴一堆猛火千足萬足偈終端坐垂一足而逝

霍山通禪師化緣將畢先備薪於郊野徧薪檀信食訖行至薪所至日午自執燭登積薪上以笠置頂後作圓光相手執拄杖作降魔杵勢立於紅燄中

雪峰存禪師見玄沙乃舉神梵問黎問我亡僧遷化向甚麼處去我向伊道如冰歸水沙云是即是某甲不與麼道師云你作麼生沙云如水歸水

大覺禪師臨遷化時謂眾云我有一隻箭要付與人時有一僧出云請和尚箭師云汝喚甚麼作箭僧便唱師打數棒歸方丈喚其僧來問汝過來會麼僧云不會師又打數棒擲却拄杖云回後遇明眼人分明舉似便乃告寂

應庵華因為佛智靈堂二人舉哀拈云大覺平生用一隻箭子穿天下初僧鼻乳因甚到這僧面前折却衆中

莫有為大覺垂眉底出來與報恩相見有麼如無言王
師伯薦福師叔亦夫况喫報恩手中痛棒何故有功者
賞

保壽浴輝師將順世謂門人云汝還知我行屢處不云知
和尚一生長坐不卧師又令近前門人近前師云去非吾
眷屬言訖而死

幽棲幽禪師將示滅偈問和尚百年後向甚麼處去師云
調然調然言訖坐亡

疎山仁禪師信問和尚百年後向甚麼處去師云背底芒
叢四脚指天師臨遷化示偈云我落碧空外白雲無處閑
世有無根樹黃葉風送還傷然而逝

肇法師遺奏王顯臨就刑說偈云四大元無主五陰本來

空將頭臨白刃猶似斬春風

玄沙云大小肇法師臨死猶道語

紙衣道者因曹山問莫是紙衣道者麼師云不取山云如

何是紙衣下事師云一裘纒掛體萬法悉皆如山云如何

是紙衣下用師近前應諾便立脫去山云汝只解恁麼去

且不解恁麼來師忽開眼問一靈直性不假脫胎時如何

山云未是妙師云如何是妙山云不借借師便珍重却坐

脫曹山乃有頌云覺性圓明無相身莫於知見強疎親念

異便於玄證昧心差不與道相隣情分萬法沉前境識鑑

多端喪本真如是句字全曉會了然無事在當時人

南堂靜頌云紙衣下事不假脫胎胎懸崖撒手襁褓嬰孩

涅槃會上道場開單傳直指狀元來

羅山開禪師臨順寂時上堂良久展開左手知事因測遂
令師僧退後師又展開右手知事又令西邊師僧退後師
乃云必欲報佛恩無過守志欲報王恩無過流通大教歸去
也歸去也呵呵大笑奄然而逝

越山鼎禪師臨順世時示偈云眼光隨色盡耳識逐聲消
還源無別旨今日與明朝偈畢跏趺而逝

太原孚上座在雪峰有大聲譽後歸揚州陳尚書留在宅
供養一日請尚書云來日講一編大涅槃經報答尚書書
次日致齋煎茶畢師遂陞座良久揮刃一下云如是我聞
乃召尚書書應諾師云一時佛在遠乃端然脫去

灌溪閉禪師示衆云不生想念本來無體大用現前不說
時節後臨遷化時問侍者坐去者誰者云僧伽又云立去

者誰者云僧會師乃周行七步垂手而終

琅琊覺云生既如是死亦如然

長慶稜禪師因保福遷化人問保福拋却殼漏子向甚處
處去也師云且道保福在那箇殼漏子裏

法眼別云那箇是保福殼漏子

保福展禪師臨示寂謂衆云吾旬日來氣力困劣別無他
只是時至僧問時既至矣師去即是住即是師云道二忘
麼即某甲不敢造次師云失錢遭罪言訖跏趺告寂

玄沙偈禪師云我尋常道亡僧面前正是觸目菩提高聖
神光頂後相若構得不妨出得陰界

清化付禪師僧問亡僧遷化向甚處去師云長江無間
斷聚沫任風飄云還受享祭也無師云享祭即不無云如

河是享祭師云漁歌鼓棹谷裏聞聲

圓悟勤云借事明機無中唱出蓋具衲僧肘臂下有符
頂門上具眼所以隨處作主遇緣即宗雖然如是猶在
窠窟裏或有人問蔣山亡僧遷化向甚麼處去祇對他
道萬古虛空元不動還受享祭也無祭即云無如何是
享祭曰日香花夜夜燈

首山念禪師忽於十二月初四日午時上堂云吾今年過
六十七老病相依且遣日今年記却來年事來年記著今
朝日至次年十二月日時無爽前記上堂辭衆仍作偈曰
白銀世界金色身情與無情共一真明暗盡時俱不照日
輪午後示全身言訖安坐日將昃而逝

首山僧問亡僧遷化向甚麼處去師云教關正望三泉路

厚朴花開始覺春

石門聰禪師因送亡僧歸喫茶次僧問亡僧遷化向甚麼
處去師云風搖樹響葉落歸根僧良久師云會麼云不會
師乃澆茶三滴

香林遠禪師臨示寂時示衆云老僧四十年來不能打得
成一片言訖告寂

地藏琛禪師有僧報云保福和尚已遷化也師云保福遷
化地藏入塔

法眼因僧舉問古人意旨如何眼云蒼天蒼天

重雲暉禪師臨終示偈云我有一間舍父母為修蓋住來
八十年近來覺損壞早擬移住處事涉有增愛待他摧毀
時彼此無相礙趺坐而化

瑞峰端禪師先遺偈云來年二月二別汝暫相棄熱灰散
四林勿占檀那地此偈傳于外四衆咸記之明年正月二
十八日州民競入山師無恙參問如常二月一日州主率
諸官同至二日師齋罷上堂辭衆時有圓應長老出云雲
愁霧慘大衆嗚呼請賜一言末在告別師垂一足應云法
鏡不臨於此土寶月又照於何方師云非君境界應云恁
麼則漚生漚滅全歸水師去師來是本常師作噓聲復有
僧問師皆答竟下座歸方丈安坐至亥時問云世尊滅度
是何時節答云二月十五日子時師云吾今日前時前言
訖長往

雲居齊禪師臨示寂時示衆云今日老僧風火相逼特與
諸人相見諸人還見麼今日若見是末後方便諸人向甚

麼處相見爲向四大五蘊處見耶向六入十二處見耶既
是種種處不可見則如今相問者是誰若也見得可謂後
學有賴一本

保福豁禪師將順世捨衆欲入山待滅過苧溪石橋乃遺
偈云世人休說路行難鳥道羊腸咫尺間珍重苧溪溪畔
水汝歸滄海我歸山即往貴湖卓庵未幾謂門人曰吾滅
後將遺骸施諸蟲蟻勿置墳塔言訖潛入湖頭山坐磐石
儼然長往

汾陽昭禪師因龍德府尹李侯虛承天寺致之使三返不
赴使者受罰復至云必欲得師俱往不然有死而已師笑
云老病業已不出院借往當先後之何必俱耶使云師諾
則先後唯所擇師令饌設且俵裝云吾先行矣停箸而化

白雲禪師將示滅白衆云某甲雖提祖印未盡其中諸
仁者且道其中事作麼生莫長無邊由內外已不如是會
解即大地如鋪沙去此即他方相見言訖告寂

黃龍機禪師將順世有僧問百年後鉢裏子其麼人將去
師云一任將去云裏面事如何師云線綻方知云其麼人
得師云待海鷲雷聲即向汝道言訖而化

明招謙禪師將欲遷化上堂告衆囑付其夜展足問侍者
云昔釋迦如來展開雙足放百寶光明汝道吾今放多少
者云昔日鶴林今日和尚師以手拂眉云莫道負麼又說

偈云鷲刀叢真道全威汝等應當善護持火裏鐵牛生犢
子臨歧誰解湊吾機偈畢安坐寂然長往
報劬應禪師將順世先示偈云今年六十六世壽有延促

無生火熾然有遺薪不續出谷與歸源一時俱備足及期
誠諸門人云五滅後不得以喪服哭泣有亂規矩言訖端
然坐寂

羅漢依禪師將示滅乃謂衆云今晚四大不和暢靈騰鳥
飛風動塵起浩浩地還有人治得麼若治得末劫不相識
若治不得時時常見我言訖告寂

觀音顯禪師將示寂謂檀那袁長史云老僧三兩日間歸
鄉去袁云和尚尊年何更思鄉師云歸鄉圖得好塲裏袁
不測其言翌日師不疾而坐亡

瑞鹿安禪師將順寂有嗣法弟子蘊仁侍坐師乃說偈云
不是嶺頭攜得事豈從鷄足行將來自古聖賢皆若此非
吾今日爲君裁師付囑已以香水沐身易衣安坐令早捨

至室良父自入棺經三日門人與本寺瑜闍黎師啓棺觀
 師右脇吉祥而卧四衆哀慟師乃再起陞堂說法及訖
 垂誠云此度更啓吾棺者非吾之子言訖復入棺長往
 瑞鹿先禪師將示滅謂上足如畫云可造石龕在秋望日
 吾將順化如畫真容尋即成就及期士庶奔趨瞻仰是日
 參問如常至午時安坐方丈手結寶印復謂如畫云古人
 道騎虎頭打虎尾中央事作麼生畫云也是空畫師云你
 問我畫不準前問師云我也弄不出乃開一日微視而寂
 涿州秀禪師臨示寂沐浴了喚侍者點茶來師與茶了侍
 者接盞師縮却手云汝還知吾去處麼者云某甲不知師
 度盞云去汝不知吾去處者送盞面見師端然而化
 善權徹禪師受一施主供給年深將示化詣施主家廳上

坐施主不在三日坐不起主歸師云特來報汝主云將甚
 麼報弟子師云四人昇不起汝還識麼主云不識師云汝
 問眷屬必有識底主問眷屬皆言不識師云汝既不識直
 須收拾善自保養言訖端然示寂
 覺真一座臨入寂說偈云住亦何依去亦何往三界十方
 如觀指掌不上中天匪乘白象珍重同人青煙直上徧界
 端坐而化

靈隱順庵主將頌世說偈云生也孰來死也孰去生死云
 來是尋常裏夢幻之方電光相似諸方亦然我亦如是本
 無言說余今強舉請便茶毘更莫停止言訖端坐而終
 龍華乘禪師將示寂說偈云吾有一訣九聖同轍珍重禪
 流是生是滅言訖儼然而逝

雲居禪師臨終時召大眾云本來無事臨行何語片時
片時便去便去言畢而逝

玉泉皓禪師將示寂門人圍遶師笑云吾年八十一老死
昇屍出兒郎齊著力一年三百六十日言訖而化

黃龍南禪師將示滅先一日陞堂舞眾云山僧才獲德薄
豈堪入師蓋不昧本心不欺諸聖未免生死今免生死未

出輪迴今出輪迴未得解脫今得解脫未得自在今得自
在所以大覺世尊於然燈佛所無一法可得六祖一夜半於

黃梅又傳箇甚麼乃示偈云得不得傳不傳歸根得言復
何言憶得首山曾漏泄新婦騎驢阿家牽至次日午時端

坐而化
雙峰田禪師將示滅沐浴淨髮舞眾寫偈云九十二光陰

分明對眾說遠洞散寒雲幽惚度殘月言訖坐逝

廣法源禪師臨示寂淨髮沐浴書偈云雪鬢霜鬢九九年
半肩囊衲盡諸緣廓然笑指浮雲散玉兔流光照大千擲

筆跌坐而逝
白鹿端禪師臨終集眾說偈云來說生兮去說滅二人證

龜成一鼈悟心禪客若爲論水裏銀蟾天上月言畢而逝
興化魯禪師將順世書偈云金鷄抱玉卵玉兔長鳳兒舉

頭三瞻卻飛過西耶尼遂跌坐長往
玉泉芳禪師將示寂沐浴淨髮書偈云三更打破無巴鼻

午後敲門六道機二千年前石人髓不以露布報人知乃
擲筆安坐而逝

歸宗三禪師臨終上堂舞眾云須彌倒卓海水逆流石人

破浪孤舟拍手呵呵誰是侶大千沙界在遨遊咄言畢
跌坐而逝

圓通禪師臨示寂謂門人云老僧六處住持有煩諸知
事首座大眾今來四大不堅火風將散各宜以道自安無
違吾囑乃云來時無物去時空南北東西事一同六處住
持無所補師良久監寺惠當進云和尚何不道末後句師
云珍重珍重端坐而逝

瑞巖洪禪師將順世先寫遺誠付囑弟之後六日復留偈
云送公釣得鰲僧伽手烹戮寒山不知味拾得飽盈腹木
人惆悵弔文歌石女懽忻慰復更言畢危坐而逝

照覺總禪師臨示寂鳴鼓集眾跏趺坐說偈云北斗藏身未
是真泥牛入海何奇特箇中消息報君知撲落虛空收不

得言畢而化

石霜琳禪師世緣將盡至夜小參云平生行脚方始見人
平生參禪始終得力成佛作祖不離方寸鑊湯爐炭祇在
而今這箇消息如人飲水冷暖自知聽吾一頌大幻一段
見明燦爛苦惱眾生早晚分散至夜半端坐示寂

雲居左禪師臨示滅於夜子時方又敷坐示衆云三處住
持不傳一法火風聚散物理常情吾滅後不得隱世禮屋
焚經經哭泣當哀哉端西竺法火化歸塔遂示偈云今年
六十六三處因緣足夜半火燒山跳入火中浴言畢長往
隆慶蘭禪師將示滅沐浴淨髮寫偈云露質淨生捨質淨
滅五十三歲六七八月南嶽天台松風瀟雪珍重知音紅
爐優鉢言訖跌坐而逝茶毘煙飛四十里內草木砂礫皆

獲舍利。舌日數珠。鼎鑿如故。

真如詰禪師臨終寫偈云：昨夜三更風雷急，作雲散長空。前溪月落偈再坐脫。

大中誌禪師臨終集衆沐浴，髮寫偈云：麒麟靈斷貴金鎖，玉兔奮開白玉關。好是無雲中夜後，一輪明月照鍾山。得異跌坐而逝。

惠力周禪師臨終說偈云：山僧住瑞筠，未嘗形言句。七十三年來，七十二年去。言畢坐脫。三日後髮變髮時生。

慶善愛禪師臨終集衆云：我佛世尊示化，將終有正法眼藏。涅槃妙心付摩訶迦葉，自茲祖祖相傳，分枝列派。至于今日，吾今世緣將謝，願吾偈曰：諸法本無生，皆隨信心起。千聖密相傳，展轉無終始。言畢跌坐而逝。

南嶽新庵主一日語直庵人云：今日齋時不用打食，云為甚。歷不打食，主云：吾報緣將盡，或人問云：庵主臨行有何言句？主乃拍手一下，長嘯一聲，山僧云：珍重。諸人言訖而逝。

寶峰乾禪師示疾沐浴，淨髮寫偈云：鐘點的休相許，目病空花淚指注。六十二年浮世人，踏翻海嶽重歸去。言畢長往。

景福索禪師臨示寂，請集諸山長老僧衆，遂上堂有墨發。長老問：四山相逼，和尚向甚麼處去？師云：渠儂得自由後，云竹密不妨流水過，山高豈礙白雲飛。師云：到利初僧，云畢竟事作麼？生師良久，微便鳴鐘。師云：臨行之際，休更切。初後云：惟繫茶住，當山首尾。三年若論全持，都無所補。其

間好惡口議紛紛是亦何是非亦何非四十二年一場交
想近日以來風火相達四六分散大丈夫漢有何顏惜要
行便行伏惟珍重言畢而逝

寶林昌禪師臨示寂辭世云這箇關換非難非易四象相

催吾難住世昨夜三更星斗移一片虛空撲落地

投子青禪師臨入滅夜索契契自覆接筆留偈云兩處住
持無可助道珍重諸人不須尋討關維獲舍利鳥獸悲鳴

靈應非一

華藏外禪師臨終遺偈云少年石文握金環獨角犀牛入

華山波旬拊掌呵呵笑碧眼胡兒渡鐵關三皇坐脫

淨土嵩禪師臨示寂書偈云靈木無根北土有柄大海波
瀾是余壽命三尺丈六誰兒誰聖若問去處春行秋令珍

重諸賢形端表正言訖趺坐而逝

承天月禪師臨終說偈云去也何知住方何所去住何從
超然絕侶臨歧一句向誰舉銀潢夜白孤蟾斗

同安丕禪師將順世上堂謂衆云多子以景宗子秀五老
峯前事若何如是三舉時同安志禪師出應云夜明簾外

排班立萬里歌謠道太平師云須是這驢漢始得即以院
付之端然而逝

祥符豁禪師示寂之夜鳴鼓告衆仍說偈云天不高地不
厚自是時人顯不透但看臘月二十五依舊面南看北斗

瞑然而逝

法花舉禪師一日與僧山行僧問香林道老僧四十年來
不能打成一片便遷化此意如何師云老僧亦恁麼復云

會麼云乞師指示師云香林成一片老僧亦恁麼不待此
月終重爲子決破至月末示寂

金山達觀穎禪師除夜遣侍者持書別揚州刁景純學士
明旦當行厚白愛刀發絨駭然急遣吏持書報之船將抵
岸師欣然登座叙出世本末及謝其輔贊者囑令進修遂
舉監寺賢公補廬下座讀刀學士書畢大衆擁至文室踞
跌而逝

天衣懷禪師晚年以疾居杉山庵弟子才禪師迎歸臨平
佛日侍奉才如蘇城未還師速其歸及踵門師已書偈遺
衆才問卽塔已成如何是畢竟事師舉拳示之遂就寢推
枕而寂偈云紅日照扶桑寒雲遮華嶽三更過鐵圍拶折
蒼龍角

法昌遇禪師與龍圖徐禧布衣時往來爲法喜之遊及將
化前一日作偈遺之云今年七十七出行須擇日昨夜問
龜哥報道明朝吉徐覽偈聳然激靈源清禪師同往師方
坐寢室以院務誠知事云吾住此山二十三年護惜常在
每自蒞之今行矣汝輩著精彩言畢舉拄杖云且道這箇
分付阿誰徐與靈源皆屏息遂擲拄杖投牀枕臂而化
翠巖真禪師將入滅示疾甚勞苦席藁干地轉側不少休
詰侍者垂泣曰平生呵佛罵祖今何爲乃爾師熟視呵云
汝亦作此見解卽即起趺坐呼侍者燒香香煙起示寂
西余端禪師因病牙久不愈一日忽謂衆云明日打筋斗
去衆以爲戲言書偈云端獅子太慵懶未死牙齒先壞爛
二時伴衆赴堂粥飯都趕不辦如今得死是便宜長眠百

後火化以骨歸普同塔明生死不離清衆也語終而逝
雲蓋智禪師將示寂陞座說偈云未出世口如驢背出世
後頭似馬杓百年終須自壞一任天下卜度歸方丈安坐
良久乃化

慧日燈禪師臨示寂日將跌呼侍僧令集衆叙平昔參問
勉衆辦已躬事引筆書云南北無寸影東西絕四隣一息
故鄉信曉風吹宿雲置筆而逝

大梅英禪師因宣和改元勅僧尼爲德士師解老子詣進
上覽云法英道德經解言簡理詣賜入道藏流行仍就賜
師冠珮壇誥不知師意者指爲佞諛明年詔復僧尼師獨
無改志至紹興初晨起戴樺皮冠披鶴氅執象簡穿朱履
使擊鼓集衆陞座召大衆云蘭芳春谷菊秋籬物必榮枯

各有時昔毀僧尼專奉道後平道佞復僧尼大衆且道僧
尼作麼生復取冠示衆云吾頂從來似月圓雖冠其髮不
成僊今朝拋下無遮障放出神光透碧天擲之隨易僧服
提鶴氅云如來昔日貿皮衣數載慚將鶴氅披還我丈夫
調御服須知此物不相宜擲之舉象簡云爲嫌禪板太無
端豈料遭他象簡瞞今日因何忽放下普天致仕老僊官
擲之提朱履云達磨攜將一隻歸兒孫從此赤脚走借他
朱履代麻鞋休道時難事掣肘化鵬未遇不如鯢畫虎不
成翻類狗擲之橫拄杖云今朝拄杖化爲龍分破華山千
萬重復倚肩云珍重佛心真聖主好將堯德振吾宗言畢
端然斂目而逝

天寧誦禪師臨示寂召主事令以楮囊分而爲四衆僧童

行常住津送各一既而復云丹霞有箇公安從來推倒扶
起今朝普示諸人且道是箇甚麼願在右云會麼云不
會師云儘哉大丈夫不會末後句遂就寢右脇而化
闡提照禪師臨示寂晚參舉論曹洞宗旨不絕如線復歎
息今之世續慧命者詰朝閉門稱疾安居如常俄書別者
宿中夜誠執事者毋以俗禮治喪侍者請遺偈師笑以藪
語答之而逝

象田卿禪師臨終說偈云五陰山頭乘駿馬一鞭策起疾
如飛臨行莫問棲真處南北東西隨處歸言訖坐脫

堯率悅禪師臨示滅說偈云四十有八聖九盡殺不是英
雄龍安路滑奄然而化

石頭志庵主臨終問侍僧云早暮僧云已久矣師遂笑云

夢境相逢我睡已覺汝但莫負叢林即是報佛恩德言訖
示寂

永豐月庵主或處巖谷或居市鄆令鄉民 佛立師伯九有

所問皆以莫曉答之一日語邑人云吾明日行脚去汝等

可來相送於是盡路者畢集師笑不已衆問其故即書偈

云立師伯莫曉寂寂明皎皎日午打三更 匪人打得了投

筆而逝

法慧墨禪師臨終徧辭朝貴歸付院事四衆擁師揮扇又

之書偈云這漢從來沒縫罅五十六年成話霸今朝死去

見閻王劔樹刀山得人怕遂打一圓相云嗚呼一任諸方鑽

龜打瓦取足而化

龍湖聞禪師將化令聲鐘集衆趺坐說偈云我逃世難來

出家宗師指示箇歇處住山聚衆三十年對人不欲輕分
付今日分明說似君我斂目時齊聽取於是安坐寂然良
久撼之已化矣

洞山聰禪師將示寂持不食七日集道俗云法席當令自
寶往持因與門人叙透法身說偈云參禪學道莫忙忙問
透法身北斗藏余今老倒庭羸甚見人無力得商量唯有
鋤頭知我道種松時復上金剛言訖而化

雲峰悅禪師臨終陞座辭衆說偈云住世六十六年爲僧
五十九夏禪流若問旨歸鼻孔大頭向下言訖泊然而化
天寧明禪師因改僧爲德士師登座謝恩晷乃云木簡信
手拈來坐具乘時放下雲散水流去寂然天地空即斂目
而逝

五祖演禪師臨示寂上堂辭衆云趙州和尚有末後句你
作麼生會試出來道看若會得去不妨自在快活如或未
然這好事作麼說良久云說即說了也只是諸人不知要
會麼富嫌千口少貧恨一身多珍重時山門有土木之役
躬往督之且云汝等勉力吾不復來矣歸丈室淨髮澡身
迄旦吉祥而化

西竺尼海禪師臨終說偈云霜天雲結霧山月冷涵輝夜
接故鄉信曉行人不知屆明坐脫

天衣哲禪師臨示寂謂衆云吾行矣令拂拭所乘筇輿乃
書偈告衆云道在用處用在死處時人只管貪歡樂不肯
學無爲叙平昔參問勸衆進修已忽豎起拳云諸人且道
這箇落在甚麼處衆無對師揮案一下云一齊分付與秋

風遂入輿中端坐而逝

天童覺禪師將順世遍謁郡僚及檀度次謁越師與之別還山翌日沐浴更衣端坐告眾索筆作書遺育王大慧請主後事以書偈云夢幻空華六十七年白鳥煙波秋水天連擲筆而逝

勝因靜禪師臨示寂書偈云弄罷影戲七十一載更問如何回來別賽置筆儼然而逝

天童交禪師臨終沐浴陞堂說偈遺眾云寶杖敲空觸處春箇中消息特彌綸昨宵風動寒巖冷驚起泥牛耕白雲言訖脫然示寂

圓通夏禪師臨遷化集眾書偈已跌坐垂誡二百餘言其略曰至道虛寂迥脫根塵光境俱忘靈機絕待真常任運

靈屬去來應用無方不存格則牢關敲磕電激難通直須鐵眼頓開可以死生無間自茲訣別可葬全身三百年後當與佛事臨行一著不落見知折半破三好好薦取隨聲拊膝一下端然而逝

九頂泉禪師臨終沐浴淨髮書偈囑眾云復云叢林幸倒今則為昔趙州道底好屈好屈待僧云和尚五十年三度至此當如何師云明破即不中擲筆叉手而逝

性空普庵主臨終造大盆咒而塞之修書寄雪竇持禪師云吾將水葬矣次年持至見其尚存作偈云咄哉老性空剛要餒魚鼈去不索性去只管向人說師笑云待兄來證明耳今徧告四眾眾集說法要仍示偈云坐脫立三不若水葬一小自柴燒二兑開壙撒手便行不妨快暢誰是知音

船子和尚高風難繼百千年一曲漁歌少人嗔遂坐盆
中順潮而下眾皆隨至海濱望欲斷目師取塞底水而回
復乘流而往唱云船子當年返故鄉沒蹤跡處妙難量真
風徧寄知音者鐵笛橫吹作散場其笛聲嗚咽遠以笛舞
空而沒三日後於沙上跌坐如坐道俗迎歸茶毘舍利真
計二鶴徘徊空中火盡而去

長靈直禪師示寂閣維日皇帝遣中使賜香持金盃末設
利熟香罷盤中鏗然視之五色者數顆大如豆使者馳還
帝見大悅

萬年一禪師順世書偈云今年七十五歸作庵中三珍重
觀世音泥蛇吞石虎入龕跌坐別眾云吾不能聽諸方來
此寒言即自肩鑰有頃主事移龕捫之肉猶未冷

雲頂曰禪師一日普請罷師云諸子未要散去更聽一頌
乃云四十九年一場熱鬧八十七春老漢獨手誰少誰多
一殺作夢歸去來兮梅梢雪重言訖下座扶策行數步訖
然而化

佛鑑勳禪師將示寂示眾云祖師心印狀似鐵牛之機去
即印在任印破直饒不去不任亦未是衲僧行履處且
作麼生是衲僧行履處待十日前後奉為諸人註破至十
月八日沐浴更衣端坐手寫數書別故舊停筆而化

佛眼透禪師示滅跌坐謂其徒曰諸方老宿臨終必留
偈難世世可拜即且將安住心合掌怡然趨寂
九頂素禪師臨順世書偈遺眾云木人備舟鐵人備馬丙
丁童子穩穩登壇散白雲歸去也竟爾入寂

南堂靜禪師將順世時七月大雨雪山中有異象師云吾期至矣次日別郡守以次越三日示微恙於天彭夜謂侍僧云天曉無月時如何僧無對師云倒教我與汝下火始得翌日還壩口廨院留遺誠蛇然示寂
萬壽寺禪師臨終書偈云昨夜風雷忽雨露柱生出兩指天明笑倒燈籠拄杖飯前扶起拂子蹉跎過流沙奪轉胡僧一隻履

木庵瓊首座得法於泐潭禪師後因信守以超化章律為禪請居之師語使云吾初無意人間欲為山子正其宗派耳然恐多不能往受請已取所藏寶峰繪像與木庵二字仍書偈囑清泉身老寄得法弟子慧山偈云口嘴不中祥老子愛向叢林鼓是非分付雪峰山首座為吾痛罵莫

饒伊顧專使云為我傳語侍郎行計逼甚不及修答聲絕而化

靈巖宗禪師因應供中油毒病革門人請以酒進藥師叱云有生則有死可破戒而逃死乎乃揮偈云一任二十四年隨宜建立因緣如今去也何時節風在青松月在天歛目而逝

佛智裕禪師臨終夜書偈付主事云吾少休至五鼓起坐首座法全請遺訓師云盡此心意以道相資語絕而逝火後目睛齒舌不壞其地發光終夕得舍利者踰月不絕
徑山杲禪師將順世示微恙學徒問安師勉以宏道徐云吾翌日始行至五鼓親書遺奏又貽書辭紫巖居士侍僧了賢請偈復大書云生也只恁麼死也只恁麼有偈與無

偈是甚麼熟大擲筆委然而逝平明有蛇尺許腰首白色
伏于龍王井欄如義服者即山之龍君示現也
靈隱遠禪師臨終示偈云拗折秤鎚掀翻露布突出機先
鴉飛不度言訖坐脫

祖首座在昭覺圓悟會中為首座一日為眾入室餘二十
許人座忽問生死到來如何回避眾無對座擲下拂子奄
然而逝眾皆愕眙亟以聞悟悟至召云祖首座座張目眦
之悟云抖擻精神透關去座點頭竟爾趨寂

龍牙才禪師臨終問眾云涅槃生死盡是空花佛及眾生
並為增語汝等諸人合作麼生眾皆下語不契師喝云苦
苦復云白雲湧地明月當天言訖而逝

佛燈瑠禪師一日謂居士鄭績云十月八日是佛鑑忌則

吾時至矣丐還鄣南十月四日鄭遣弟僧道如評之師云
汝來正其時也先一日不著便後一日蹉過了吾雖與佛
鑑同條生不同條死明早可與我尋一隻小船子來如云
要長者要高者師云高五尺許越三日鷄鳴端坐如平時
侍者請辭世偈師云不曾作得言訖而逝

竹庵珪禪師臨示寂召法屬長老宗範付後事遺偈云前
三十一中九下七老人言盡處龜竒眼睛赤次日沐浴更衣
申令聲大鐘交至眾集處就座泊然趨寂

雪堂行禪師示疾教授汪公來省候師以後事委之示偈
云識則識自本心見則見自本性識得本心本性正是宗
門大病汪云爛泥中有刺莫道不疑好次日黎明沐浴跏
趺而逝闍維曾脹出銀液不斷皆五色舍利也煙所至累

然綴之

道場辯禪師一日令僧於寺之西原治小塔塔就師令擊鼓集眾師登座拈拄杖於左邊一卓云三十二相無此相於右邊一卓云八十種好無此好僧繇一筆畫成誌公露出草草又卓一下顧大眾云莫懊惱直下承當休更討下

座歸方丈儼然趺坐而逝

世奇首座在佛眼處大豁所疑眼命分坐奇固辭不就暮年學者力請不容辭因說偈云諸法空故我心空我心空故諸法同諸法我心無別體只在而今一念中且道是那一念喝一喝而終

五雲悟禪師臨終為眾普說叙師出處及得法復書偈辭眾云倒跨楊岐三脚驢拗折雲門一條杖禪流更擬問如

110X
7
19